



Босна и Херцеговина
Агенција за идентификациона
документа евиденцију
и размјену података



Bosna i Hercegovina
Agencija za identifikacijske/identifikacione
isprave/dokumente, evidenciju
i razmjenu podataka

Broj: 15-03-16-5-578/15
Datum: 13.7.2015. godine

Na osnovu člana 61. Zakona o upravi (Službeni glasnik BiH broj 32/02), člana 19. Zakona o Agenciji za identifikaciona dokumenta, evidenciju i razmjenu podataka BiH („Službeni glasnik BiH“ broj 56/08), člana 69. stav 2. tačka d) i člana 70. Zakona o javnim nabavkama BiH („Službeni glasnik BiH“, broj 39/14), direktor Agencije donosi slijedeću:

ODLUKU **o poništenju postupka nabavke**

I

Poništava se postupak javne nabavke usluga održavanja internog informacionog sistema Agencije - DMS objavljenom na web portalu Agencije za javne nabavke BiH, broj obavještenja: 1110-7-2-16-3-15/15 od 12.06.2015. godine, koji je proveden u skladu sa procedurom konkurentskog zahtjeva za dostavu ponuda.

II

Ova odluka će se dostaviti ponuđačima putem pošte u roku od 3 (tri) dana, a najkasnije u roku od 7 (sedam) dana od dana donošenja.

O b r a z l o ž e n j e

Na osnovu provedenog postupka nabavke, Komisija za nabavke, imenovana Rješenjem broj: 15-03-16-5-578/15 od 16.06.2015. godine, konstatovala je da je rok za dostavu ponuda 02.07.2015. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla samo jedna (1) ponuda i to ponuđača Info studio d.o.o. Sarajevo. Neblagovremenih ponuda nije bilo.

Komisija je predložila donošenje odluke o poništenju postupka nabavke, u skladu sa članom 69. stav 2. tačka d) Zakona o javnim nabavkama BiH, iz razloga što je jedini ponuđač koji je dostavio ponudu Info studio d.o.o. Sarajevo ocijenjen kao nekvalifikovan nakon izvršene provjere kvalifikacije ponuđača prema uslovima učešća u tenderskoj dokumentaciji, te je njegova ponuda ocijenjena kao neprihvatljiva.



Ponuda ponuđača Info studio d.o.o. Sarajevo, nije kvalifikovana i prihvatljiva iz slijedećih razloga:

- Potvrda/Uvjerenje Centralne banke BiH ili druge nadležne institucije zemlje u kojoj je registrovan ponuđač, kojom se dokazuje da u posljednjih šest mjeseci od dana dostavljanja ponude ponuđača računi ponuđača nisu bili blokirani nije dostavljena na način tražen tenderskom dokumentacijom. Ponuđač je dostavio Izvještaj o računima pravne osobe na dan 03.06.2015. izdat od Centralne banke BiH. Dostavljeni dokument se ne može tretirati kao potvrda tražena tenderskom dokumentacijom iz razloga dostavljenim dokumentom ne može dokazati da u posljednjih šest mjeseci od dana dostavljanja ponude računi ponuđača nisu bili blokirani.
- Ukupna cijena ponude sa PDV-om iznosi 57.002,40 KM, a u budžetu su planirana znatno manja sredstva od onih navedenih u ponudi.

Komisija je prema specifikaciji navedenoj u tenderskoj dokumentaciji, provedenom postupku analize i ocjene ponuda izradila Zapisnik o ocjeni ponuda, u kojem su detaljno obrazloženi razlozi za poništenje postupka nabavke.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda ovog zakona i podzakonskih akata od strane ugovornog organa u postupku javne nabavke. Žalba se izjavljuje u roku od 5 (pet) dana od dana prijema odluke o izboru najpovoljnijeg ponuđača. Žalilac izjavljuje žalbu Uredu za razmatranje žalbi Bosne i Hercegovine (Maršala Tita broj 11a, Sarajevo) putem ugovornog organa, u pisanoj formi direktno ili preporučenom poštanskom pošiljkom, u rokovima propisan Zakonom. Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena kvalificiranom kandidatu ili izabranom ponuđaču, kao i drugim strankama u postupku.

X 

DIREKTOR

mr Sinisa Macan

Signed by: SMACAN / digitalno potpisano / digitally signed